

Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-1/21-3-40-255-4/22**

Datum: **20.06.2022. god**

«Agencija za vodno područje rijeke Save» Sarajevo rješavajući po zahtjevu pravnog lica „BINGO“ d.o.o. Tuzla za donošenje rješenja o vodnoj dozvoli za ispuštanje oborinskih onečišćenih voda sa lokacije poslovnog objekta-upravne zgrade administrativne namjene, izgrađenog u naselju Bosanska Poljana, Grad Tuzla, na osnovu člana 139. stav 1. Zakona o vodama («Službene novine Federacije BiH», broj 70/06) i člana 200. stav 1. («Službene novine Federacije BiH», broj 2/98, 48/99), donosi

R J E Š E N J E

1. Odbija se zahtjev pravnog lica „BINGO“ d.o.o. Tuzla za donošenje Rješenja o vodnoj dozvoli za ispuštanje oborinskih onečišćenih voda sa lokacije poslovnog objekta - upravna zgrada administrativne namjene, izgrađenog u naselju Bosanska Poljana, na zemljištu označenom kao k.č. broj 3003 K.O. Kiseljak, Grad Tuzla, s obzirom da za predmetnu aktivnost, a u skladu s odredbama člana 139. stav (1) Zakona o vodama, nije propisana obveza pribavljanja vodnih akata od strane ove Agencije.
2. Ovoj Rješenje ne oslobađa podnosioca zahtjeva obaveze pribavljanja saglasnosti i dozvola od drugih nadležnih organa, a sve u skladu sa važećim zakonskim propisima, odlukama, uredbama i dr.
3. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu, korisnik zaštitnih vodnih objekata nije odgovoran za nastale štete.

O b r a z l o ž e n j e

Pravno lice „BINGO“ d.o.o. Tuzla svojim zahtjevom se obratilo ovoj Agenciji za ispuštanje oborinskih onečišćenih voda sa lokacije poslovnog objekta - upravna zgrada administrativne namjene, izgrađenog u naselju Bosanska Poljana, na zemljištu označenom kao k.č. broj 3003 K.O. Kiseljak, Grad Tuzla.

U provedenom postupku dostavljena je i pregledana sljedeća dokumentacija:

- Ovjereni kopiji Rješenja o izmjenama podataka broj: 032-0-Reg-22-000504 od 27.04.2022. godine izdatog od Općinskog suda u Tuzli;
- Kopija Uvjerjenja o poreznoj registraciji izdatog od Porezne uprave Federacije BiH-Kantonalni porezni ured Tuzla od 05.02.2013. godine;
- Kopija Rješenja o odobrenju za građenje broj: 06/6-19-12594-2021 GJB od 24.08.2021. godine izdatog od Službe za prostorno uređenje i zaštitu okoline, Grad Tuzla;
- Glavni projekat sakupljanja, tretmana i ispuštanja otpadnih voda objekta upravne zgrade sa dogradnjom „BINGO“ d.o.o. Tuzla na lokaciji Bosanska Poljana, Grad Tuzla;
- Dokaz o uplaćenju upravnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Razmatrajući predmetni zahtjev i priloženu dokumentaciju utvrđeno je, da je priložena sva dokumentacija propisana odredbama člana 12. i 19. Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH“ broj 31/15, 55/19 i 41/20).

U skladu sa članom 12. stav 5. i 6. Pravilnika o sadržaju, obliku, uvjetima, načinu izdavanja i čuvanja vodnih akata dana 07.06.2022. godine izvršen je uviđaj na predmetnoj lokaciji, o čemu je sačinjen Zapisnik broj: UP-1/21-3-40-255-2/22.

Na osnovu dostavljene dokumentacije uz predmetni zahtjev i izvršenom uviđaju na predmetnoj lokaciji, utvrđeno je slijedeće:

- Poslovni objekat - upravna zgrada administrativne namjene, izgrađena je u naselju Bosanska Poljana, na zemljištu označenom kao k.č. broj 3003 K.O. Kiseljak, Grad Tuzla. Predmetna lokacija nalazi se u jugozapadnom dijelu grada Tuzla, u blizini saobraćajne petlje Šićki Brod. Pristup predmetnom objektu je sa lokalnog puta Bosanska Poljana i magistralnog puta M18 Tuzla – Sarajevo.
- U sklopu dogradnje postojećeg objekta predviđeno je da se na nivou prizemlja zadržava postojeći parking sa ukupno 10 parking mjesta. Upravna zgrada sa dogradnjom raspolaže sa ukupno 178 parking mjesta. Ukupna bruto površina zgrade sa dogradnjom iznosi cca 3862 m².
- Predmetni lokalitet se ne nalazi u zaštitnim zonama izvorišta vode za piće, kao ni u vodnom dobru i poplavnom području vodotoka I kategorije.
- U predmetnom poslovnom objektu ne nastaju tehnološke otpadne vode iz procesa rada a kako je to utvrđeno odredbama člana 3. stav 1. tačka (cc), a u vezi sa tačkom (s) Uredbe o uvjetima ispuštanja otpadnih voda u okoliš i sisteme javne kanalizacije („Sl. novine FBiH“, br. 26/20, 96/20).

Kako u predmetnom objektu ne nastaju tehnološke otpadne vode kao rezultat tehnološkog postupka, kao ni oborinske onečišćene vode kako je to utvrđeno odredbama člana 3. stav 1. tačka (cc) a u vezi tačke (s) Uredbe o uslovima ispuštanja otpadnih voda u okoliš i sisteme javne kanalizacije, odnosno nema ispuštanja tehnoloških otpadnih voda u smislu odredbi člana 139. stav 1. tačka (3). Zakona o vodama («Službene novine Federacije BiH», broj 70/06), u skladu s članom 28. Zakona o upravnom postupku («Službene novine Federacije BiH», broj 2/98, 48/99) riješeno je dispozitivu rješenja.

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Meho Čaušević, B.Sc.ing.građ


Prilog:

- Glavni projekat sakupljanja, tretmana i ispuštanja otpadnih voda objekta upravne zgrade sa dogradnjom "BINGO" d.o.o. Tuzla na lokaciji Bosanska Poljana, Grad Tuzla.

Dostaviti:

- „BINGO“ d.o.o. Tuzla, ul. Bosanska Poljana, 75000 Tuzla (sa prilogom)
- AVP Sava – ISV Vodna knjiga
- Org.jed. 40 – Arhiva
- AVP Sava – Oglasna ploča

Po ovlaštenju
Rukovodilac sektora za izdavanje vodnih akata


Haris Ališehović, dipl.ing.građ.